



Nuuk, 25. september 2013

Inatsisartut suleriaasianni § 37, naapertorlugu matumuuna imaattumik Naalakkersuisunut apeqquteqarniarpunga:

**Piniarnermik nakkutilliisut sulinerminni atugarisaat pillugit Naalakkersuisunut apeqqutit:**

- 1. Naalakkersuisut ilisimanerpaat, piniarnermik nakkutilliisut sulerusussuseqarluuarluartut, sulinerannut aaqqissuuussaanerup ullumikkutut iluseqartinneqarneratigut toqqisisimanginnermik annertuumik pilersitsisoqarsimasoq?**
- 2. Piniarnermik nakkutilliisut ingerlaasissaat pillugu allannguisoqannginnissaanik neriorsuisoqartaraluartoq sooq malitsinneqarsinnaanngila?**
- 3. Sooq piniarnermik nakkutilliisut angallataat tamakkiisumik siunertaminut atorneqanngillat aamma sooq angallataasa nunamut pitutaanerisa kingunerisaanik nakkutilliisut paarsisussannanngortinneqarsimappat?**
- 4. Sooq Ittoqqortoormiut, Narsaq, Sisimiut, Ilulissat Umannamilu ikiorteqartitsisoqanngila, naak isumannaatsuunissaq allannguinnginnissarlu pingartinneqarluni oqaatigineqartaraluartoq?**
- 5. Naalakkersuisuusimasoq paasitinneqartarsimavoq nakkutilliisut ikiortilerneqartarsimasut, eqquunngilluinnartutulli oqaatigineqarmat, matumani Naalakkersuisut paasissutissiisinnaanerlutik?**
- 6. Ivittuut matuneqarmat nakkutilliisoq Nuummut nuutitaavoq. Paamiuniit nakkutilliisoq Nuummut nuuppoq landingskontrolingorniarlu Nuummi aamma jagtbetjent-itut sulisorineqartoq oqaatigineqarmat, Naalakkersuisut paasissutissiissasut kissaatigaara?**

- 7. Pisanik aalisakkanillu tulaassiviusartuni umiarsualivinnilu nakkutilliisunngorniat "TUUKKAQ III" atorlugu avannaani angalareerlutik aserortoorsimapput. Ilulissani "TUUKKAQ IV" ajoquteqanngitsoq motooria ilanngartuiffigineqarpoq taannalu angalasinnaajunnaarsinneqarluni, ilumut taamaattussaannartut periuseqartoqartassanerluni?**
- 8. Piniarnermik nakkutilliisoqarneq sipaarutiginiarneqarpa?**
- 9. Piniarnermik nakkutilliisut atugarisaat pitsanngorsaavigineqarsinnaaqquullugit Naalakkersuisut qanoq pilersaaruteqarpat?**

(Inatsisartuni ilaasortaq Siverth K. Heilmann Atassut)

**Tunngavilersuut:**

Innersuussutigalugit Aalisarneq pillugu Inatsisartut inatsisaat nr. 18, 31. oktober 1996-imeersoq kingusinnerusukkut allannguuteqartoq kiisalu Piniakkat piniarnerlu pillugit Inatsisartut inatsisaat nr. 12, 29. Oktober 1999-imeersoq kingorna allannguuteqartoq, taakkununngalu atatillugit piniarnermut aalisarnermullu nakkutilliisut suliassaat pisinnaatitaaffiilu pillugit nalunaarutit matumuuna apeqqutit siuliani taaneqartut akineqarnissaannik kissaateqarpunga.

Nakkutilliisut sinerissamut qanittumi aalisarnermik nakkutilliisussat, tulaassinermi nakkutilliisussat, eqqiluitsuunermik nakkutilliisussat aamma piniarnermik nakkutilliisussat allangortinneqarnissaat pisariillisaaffigineqarnissaallu KANUAANA-p sulissutigigaa aningaasanut inatsisisstatut siunnersuummi tikkuarneqarpoq.

ATASSUT-mi ilisimatinneqarnerput naapertorlugu Piniarnermik nakkutilliisut sulerusussuseqaraluarlutik ilaatigut nunami piniakkat nakkutigineqarnerat annerusumik aallukkunnaariariartornerat ersarippallaalersoq aammalu isumannaatsumik angalaqatigiittarnissamik isumaq qimakkiartorneqaannarani malunnarsigaluttuinnartoq.

Nammineq angallatigisat ukiuunerani atussallugit naleqqutinngilluinnartut  
utersaarfingineqariartulertut aamma ilisimatinneqarpunga, assersuutitut oqaatigineqarpoq  
aalisarnermut misileraanerit nakkutigineqarnerussasut piumasaqaataaleriartoraluartoq nakkutilliisut  
angallatigisaat piumasaqaatit qaffakkaluttuinnarnerannut naapertuutinngitsutut nalilerpara.

Nakkutilliisut angalanissaminnut piareersimajuarluartut aqunneqarnertik equngaleraluttuinnartoq  
misigisimajuleritsik isertuutinngillaat aammalu aqutsinikkut siuttorisatik Naalakkersuisunut  
tamatigut eqqortumik nassuaasiortannginnerat ilungersunarluinnartutut paassisutissiisoqarpoq,  
taamaattumillu Naalakkersuisut piaartumik ersarissaateqassasut kissaatigaara.

Neriullunga apeqquteqaatima ullut suliffiusut qulit iluanni akissuteqaateqarfigineqarumaartoq.